

## **Ang Estados Unidos sa Profesiya**

### **Information Booklet H**

Dugang alang sa Leksyon 23

## **Ang America sa Profesiya**

Kini nga librito maghatag ug dugang impormasyon alang sa ikaduhang mapintas nga mananap sa Pinadayag 13 nga gihulagway diha sa Leksyon 23. Palihug kumpletoha ang Leksyon 23 sa dili pa ikaw mubasa niining materyales.

“Unya nakita ko ang laing mapintas nga mananap nga migimaw sa yuta. Kini siya may duha ka buok sungay daw nating karnero, ug siya misulti samag dragon.” Pinadayag 13:11

Kini nga pasahe sa Bibliya nagpaila-ila sa usa ka mapintas nga mananap nga naila nga mao ang Estados Unidos sa America. Bantayi nga kini naglista sa mga ilhanang detalye:

### **#1 – Kini usa ka “Mapintas nga Mananap”**

Ang Daniel 7:7 nagsulti kanato nga ang mapintas nga mananap diha sa simbolikanhong profesiya sa Bibliya nagrepresenta sa usa ka hari o pulitikanhong nasud.

### **#2 – Kini usa ka “lahi” nga mapintas nga mananap**

Kini dili pareha sa unang mapintas nga mananap sa kapitulo 13.

### **#3 – Kini “Nagsingabot”**

Ang nagsingabot nagpasabot nga kini mao niadtong panahona nga mibarug sa gahum samtang si Juan nagsud-ong diha sa pananawon. Ang pasabot sa bersikulo 10 naghigut sa takna sa panahon sa dihang ang unang mapintas nga mananap pagabihagon, diin mao sa tuig 1798. Mao nga kini nga nasud makabaton sa iyang gahum human niana nga panahon.

### **#4 – “Migimaw sa Yuta”**

Kini may kalainan sa mga mapintas nga mananap sa Daniel 7 ug sa unang mapintas nga mananap sa Pinadayag 13 – diin ang tanan migimaw gikan sa dagat. Ang dagat mao ang panagtigum sa mga tubig, ug ang mga tubig diha sa profesiya sa Bibliya nagrepresenta sa mga “katawhan, pundok, ug mga nasud, ug mga pinulungan” Pinadayag 17<sup>15</sup>. Mao nga kini nga nasud nga migimaw gikan sa yuta mubarug diha sa dapit diin wala gitapukan sa daghang mga tawo ug mga nasud. Sa Pinadayag 10:2 ang mga pinulungan nga “dagat” ug “yuta” nagpasabot ngadto sa sidlakan ug kasadpang dapit sa kalibutan, sama sa sunod-sunod.

Si John Wesley, diha sa iyang nota sa Pinadayag 13:11, nagsulat sa 1754, nagsulti mahitungod niini nga mapintas nga mananap:

“Siya wala pa miabot: bisan dili na nuon madugay pa tungod kay siya mupadayag diha sa pagtapos sa 42 ka bulan sa unang mapintas nga mananap” Explanatory Notes Upon the New Testament, vol 3, p 299 (1791 ed.)

Sa 1798, sa dihang ang papadong gahum nakadawat sa samad nga ikamatay, ang Estados Unidos, nga nahimutang sa kasadpang bahin sa kalibutan, mao lamang ang dakung gahum nga miabot ngadto sa pagkainila sa teritoryo nga wala kanhi napuy-an sa mga katawhan, pundok, ug mga nasud. Siyam lamang ka tuig sunod niini, sa 1798, ang Estados Unidos nagdawat sa iyang nasyunal nga konstitusyon. “Rasonable kini nga panghunahuna nga ang Dios magbiya gikan sa profesiya niini nga Libro niining tibuok Kasadpang Bahin sa Kalibutan? Dili, dili!” Selected Sermons, vol 2, p 9, by De Witt Talmage, 1900.

### **#5 – “Siya adunay duha ka sungay”**

Ang sungay nagsimbolo sa magmandong gahum sa usa ka nasud, ug kini usa ka mailang paghulagway sa duha ka unang patukuranang prinsipyo sa magmandong gahum sa Estados Unidos – nga mao ang prinsipyo sa Republikanismo ug Protestantismo. Ang republicanism nagrepresenta sa kagawasan gikan sa mahari-harion ug arbitraryong pagmando sa mga hari ug emperador, pinaagi sa pagtugot sa iyang tanang lumulupyong pagkontrol sa ilang kaugalingong gobierno. Ang Protestantismo nagrepresenta sa kagawasan sa pagsunod sa imong gituohan nga insakto, pinaagi sa pagpalagpot sa pinugos nga pagtuman sa mga relihiyosong butang.

## #6 – “Daw sama sa Karnero”

Ang mga nasud nga gihulagway diha sa Daniel 7, nga mao ang Babilonya, Medo-Persia, Gresya, Roma, gihulagway isip mga mabangis nga mga mapintas nga mananap nga manunukob. Sila gihulagway pinaagi sa pagkamatig-a, pagpangsakit, ug pagpanglupig. Ang Estados Unidos, sa laing bahin, gihulagway isip masulundon, maanad nga karnero, nga gihulgaway pinaagi sa kagawasan, pagkawalay-pihig, ug pagkamainantuson.

## #7 – Ug “nag-istorya nga daw sama sa dragon”

Klaro gikan sa teksto nga ang Estados Unidos sa makasusubo dili makanunayong magpabilin isip inosente sama sa iyang pagsugod, apan sa pagkadugayan muistorya nga daw sama sa dragon.

Ang usa ka nasud “muistorya” pinaagi sa iyang mga mando ug mga gipatuman nga balaod. Kini nga bersikulo nagpasabot nga ang gobierno sa Estados Unidos mulihok diha sa mga prinsipyo sa dragon diin, sumala sa Pinadayag 12:9, mao si Satanas.

## AngTingog sa usa ka Dragon

“Ang tanan pagbulot-an nga iya sa nahaunang mapintas nga mananap gihimo niya diha sa atubangan sa nahauna, ug nagasugo siya sa yuta ug sa mga nanagpuyo niini sa pagsimba sa nahaunang mapintas nga mananap, kinsang samad nga ikamatay naayo.” Pinadayag 13:12

“Ang tanan pagbulot-an nga iya sa nahaunang mapintas nga mananap gihimo niya diha sa atubangan sa nahauna” nagsulti kanato nga ang Estados Unidos magpatuman sa gahum sa papasiya. Kini magpahimo sa tibuok kalibutan “sa pagsimba sa unang mapintas nga mananap, kansang samad ikamatay naayo.” Kini nga nasud sa makasusubo musalikway sa iyang mga prinsipyo sa relihiyosong kagawasan.

“Siya nagahimog dagkung mga milagro, hangtud gani sa pagpakanaug ug kalayo sa yuta gikan sa langit sa atubangan sa mga tawo; ug pinaagi sa mga milagro nga gitugot kaniya sa pagpanghimo sa atubangan sa mapintas nga mananap, iyang ginalimbongan ang mga nanagpuyo sa yuta, sa pag-agda kanila sa paghimog larawan alang sa mapintas nga mananap nga nasamad sa espada, apan nabuhi ra.” Pinadayag 13:13-14

“Dakung milagro” nagpasabot nga adunay mga talagsaong mga ilhanan nga magahimo sa pag-ilad sa kalibutan, aron sa pagtultol sa usa ka matang sa “usa ka larawan alang sa mapintas nga mananap”. Ang larawan sa usa ka butang usa ka kaparehas niini, o hulad niini. Mao nga ang kinaiya sa papasiya mapahulad diha sa Estados Unidos.

Ang papasiya giila diha sa kasaysayan isip panag-uban sa relihiyoso ug sibil nga gahum. Mao nga sa dihang ang Estados Unidos musugod sa paggamit sa iyang sibil nga gahum aron sa pagpatuman sa mga mando sa relihiyosong mga lider nga bisan karon nanawagan alang niana nga pagpatuman, ang Estados Unidos dayon magporma sa larawan sa Romano Katoliko nga relihiyong-pulitikanhong pagkatukod.

“Ug gitugot kaniya ang paghatag ug gininhawa ngadto sa larawan sa mapintas nga mananap, nga tungod niini ang larawan sa mapintas nga mananap makahimo na gani sa pagsulti, ug sa pagpatay niadtong mga dili mosimba sa larawan sa mapintas nga mananap.” Pinadayag 13:15

Ang “paghatag ug gininhawa ngadto sa larawan” nga tungod niini kini “makahimo sa pagsulti, ug sa pagpatay, niadtong mga dili musimba sa larawan.” Kini nga larawan sa Romano Katolisismo – ang panaghiusa sa iglesya ug nasud – relihiyoso ug sibil nga gahum, mahimong matuman diha sa America. Bisan unsa nga relihiyosong mando nga ipatuman niini nga larawan mahimong ipatuman uyon sa balaod isip usa ka relihiyosong katungdanan nga kinahanglan tumanon. Sila nga dili motuman niining mga relihiyosong pamalaod, tungod niini sa pagdumili sa pagsimba sa larawan, makadawat sa silot sa kamatayon. Ang pinugos nga relihiyon, nga gibansay sa papasiya sa panahon sa iyang pagkalabaw, mapabuhi pag-usab diha sa America. Apan sa hingpit kini supak sa mga prinsipyo sa Dios nga natukod diha sa Iyang pulong. Tungod niini ikaw makakita nga ang tinuod nga isyu dinhi nagpalibot diha sa kon kinsa ang imong “pagasimbahon”!

“Ug ang mga timawa ug mga kadagkuan, mga dato ug mga kabus, mga ulipon ug mga tawong gawas, ang tanan iya usab nga gipamarkahan diha sa too nga kamot o sa agtang.” Pinadayag 13:16

Kini nagsulti kanato nga ang Estados Unidos ang nagsulsol sa pagpatuman sa marka sa mapintas nga mananap – o Romano Catolicismo – ug “**ug ang tanan iyang gipamarkahan.**” Ang leksyon 23 nagdokumento sa kamatuoran nga ang mapintas nga mananap yano nga nagsulti nga ang pagbantay sa Domingo mao ang marka sa iyang gahum. Kini usa ka dayag nga pagkalahi sa Adlawng Igpapahulay sa ikapitong adlaw, diin gitukod sa Dios nga Maglalalang isip ilhanan sa Iyang gahum. Sanglit kini nga marka madawat man pinaagi sa pagsunod sa adlaw nga gipabalaan sa papasiya, nan ang marka dili usa ka butang nga makita, sama sa paglubong sa “computer chip”, o credit card, etc. Mao nga ang tinuod nga isyu dinhi nagpalibot diha sa kon kinsa ang imong “pagasimbahon”!

Kini nga marka madawat “**diha sa too nga kamot, o sa agtang**”. Ang imong “toong kamot” nagpasabot ug paghago o kusog, samtang ang imong “agtang” nagpasabot sa imong mga pagtoo ug mga desisyon. Mao nga aron sa pagdawat niini nga marka diha sa imong toong kamot nagpasabot nga bisan pa ikaw dili uyon nga ang tanang katawhan pagapugson sa pagsimba sa Domingo ubos sa silot sa kamtayon, apan ikaw dili makigbisog batok sa mando, apan mobuhat uban niini. Ug aron sa pagdawat sa marka diha sa imong agtang magpasabot nga ikaw sa pagkatinuod mituo nga ang pagsimba sa Domingo kahimut-an sa Dios, ug nga ang tanan nga mudumili niini nga marka sa mapintas nga mananap kinahanglan pagapatyon.

“Nga tungod niini walay bisan kinsa nga makapamalit o makapamaligya gawas kon anaa kaniya ang maong marka, nga mao ang ngalan sa mapintas nga mananap o ang numero sa iyang ngalan” Pinadayag 13:17

Klaro kaayo nga kadtong motuman sa Dios ug mudumili sa paghatag sa ilang pag-unong ngadto sa mapintas nga mananap ug sa iyang larawan, dili tugotan sa balaod sa bisan unsa nga pagnegosyo. Ang ilang pagsalig sa hingpit naa diha sa Dios. Bisang matag yutan-ong suporta mawala, apan sila sa gihapon musalig sa Dios alang sa tanan nilang pagpabuhi. Ug ang saad mahatag lamang ngadto niing mga matinumanon:

“Siya maoy magapuyo sa kahitas-an; ang iyang dapit nga dalangpanan mao ang mga kalig-on sa kabatoan; ang iyang tinapay igahatag kaniya ; ang iyang mga tubig dili mohubas.” Isaias 33:16

Bantayi kon unsa ang ipatuman: ang marka sa mapintas nga mananap – ang pagbantay sa Domingo. Kini mao ang mamahimong isyu sa pagpili mahitungod sa pagkamaunongon sa usa ka tawo ug kon kinsa ang ilang gisimba. Ikaw ba mosimba sa mapintas nga mananap o sa iyang larawan pinaagi sa pagtuman sa ilang mga sugo? Ikaw ba mosimba sa Dios pinaagi sa pagtuman sa Iyang mga sugo?

Si Satanas naglagot sa Adlawng Igpapahulay tungod kay kini mao ang ilhanan sa gahum ni Cristo isip Magbubuhay ug Hari. Ug sa tanang panahon si Satanas naningkamot sa pagbuhay pinaagi sa mga governo sa mga nasud diha sa iyang pag-atake batok kang Cristo ug sa Iyang katawhan.

Sama sa panahon sa Bibliya, mao usab karon, ang dakung mga kalihukan sa mga nasud ug mga hari sa pagkatinuod mao ang dapit alang sa mas dagku pa nga gubat – ang maong gubat nagsugod didto sa langit tali ni Cristo ug ni Satanas. Niini nga gubat ang matag tawo sa kalibutan, bisan gamay o dagku, dato o kabus, gawasnon o dili-gawasnon, makaapil. Kining nagtalitapos nga mga panghitabo sa kasaysayan sa yuta, mao ang katapusang dakung panghitabo sa dakung pakigbugno nga nagpadayon karon sulod na sa 6,000 ka tuig.

Ang sangputanan niana nga gubat gihulagway diha sa Pinadayag kapitulo 19. Ang mga bersikulo 7 ug 8 naghulagway sa pagpahingpit sa katawhan sa Dios nga mahi-abot niining panahon sa pagsulay. Bisang sa gawas tan-awn daw kini malisud, “ang among pagkatawo sa kinasuloran ginabag-o sa adlaw-adlaw” 2 Corinto 4:16. Ang mga teksto sama sa Santiago 1:3-4 ug 1 Pedro 4:1 naghulagway sa mga panalangin nga muabot kanila nga mubarug alang sa kamatuoran ug pagtahud sa Dios.

Ang Pinadayag 19 usab naghulagway sa pagpahimaya sa iglesya ni Cristo, ang madaugon nga pagbalik sa atong Ginoo, ug ang paglaglag sa mga yutan-ong gahum nga misulay sa pagpatuman sa tibuok kalibutan sa pagsupak sa sugo sa Dios.

Dayon ang saad igahatag kanila “nga wala misimba sa mapintas nga mananap o sa iyang larawan, ug wala modawat sa iyang marka diha sa ilang agtang o sa ilang mga kamot ... nangabuhi pag-usab, ug nanaghari uban kang Cristo sulod sa usa ka libo ka tuig.” Pinadayag 20:4

## UNSA ANG GISULTI SA BIBLIYA

Panahon karon sa pagtuon sa pamaagi nga wala gibuhay kaniadto;

Ang pagtapos sa panahon sa matag usa, bisan kini anaa na diha sa pultahan

Ang usa ka pagsulay muabot sa matag usa nga nagpuyo sa yuta;

Ug pinaagi lamang sa pulong sa Dios nga ang usa makahimo sa pagbarug.

Kini pinaagi sa kon unsa ang gisulti sa Bibliya nga mao ang butang karon;

Pinaagi lamang sa kon unsa ang gisulti sa Bibliya nga ang akong mga tuhod magaluhod

Dili mahinungdanon kon unsa ang gisulti sa mga papa, mga konseho, o mga mando sa governo,

Kon sila musulay sa pagpuli sa kon UNSA ANG GISULTI SA BIBLIYA DINHI KANAKO.

Kini man mamalahi gikan sa akong kanunay nga gihunahuna;

Kini dili man mauyon sa kon unsa ang gitudlo sa akong ginikanan.

Apan kon gisulti kini sa Bibliya, kinsa man ako nga musupak?

Ang pulong sa Dios mao ang sukaranan ug ang sulayanan sa matag mando.

Kini mao kon unsa ang gisulti sa Bibliya nga mao ang butang karon;

Pinaagi lamang sa kon unsa ang gisulti sa Bibliya nga ang akong mga tuhod dili mahinungdanon kon unsa ang gisulti sa mga papa, mga konseho, o mga mando sa gobierno,

Kon sila musulay sa pagpuli sa kon **UNSA ANG GISULTI SA BIBLIYA DINHI KANAKO.**